



**Broj: 02-50-1-16-21/08  
Sarajevo: 17.9.2008. godine**

**BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM**

**PREDMET: Obavještenje**

Dom naroda Parlamentarne skupštine BiH, na 21. sjednici, održanoj 17.9.2008., razmatrao je sljedeće tačke dnevnog reda:

1. Glasanje o Zaključku delegata Doma naroda Parlamentarne skupštine BiH Ilije Filipovića, br:02-50-1-16-17/08, od 15.5.2008., razmatranog na 17. sjednici Doma naroda;
2. Zahtjev Vijeća ministara BiH za razmatranje Prijedloga zakona o dopunama Zakona o izmirenju obaveza po osnovu računa stare devizne štednje po skraćenom postupku, u skladu s članom 121. Poslovnika;
3. Zahtjev Vijeća ministara BiH za razmatranje Prijedloga zakona o izmjeni Zakona o klasifikaciji djelatnosti u Bosni i Hercegovini po skraćenom postupku, u skladu s članom 121. Poslovnika;
4. Prijedlog zakona o dopunama Zakona o upravnim sporovima (drugo čitanje), predlagač: Vijeće ministara BiH;
5. Prijedlog zakona o prestanku važenja Zakona o flaširanim pitkim vodama BiH (drugo čitanje), predlagač: Vijeće ministara BiH;
6. Prijedlog zakona o izmjenama i dopunama Zakona o porezu na dodatu vrijednost (prvo čitanje), predlagač: delegat Mladen Ivanić;
7. Prijedlog zakona o dopuni Zakona o službenom glasilu BiH (prvo čitanje), predlagač: Predstavnički dom;
8. Prijedlog zakona o izmjenama i dopunama Zakona o carinskoj politici BiH, (prvo čitanje), predlagač: Vijeće ministara BiH;
9. Godišnji izvještaj Visokog sudskog i tužilačkog vijeća BiH za 2007. godinu;
10. Izvještaj o radu za 2007 godinu i Plan poslovanja za 2008.javnog preduzeća NIO Službeni list BiH;
11. Informacija o izdatim dozvolama za promet oružja, vojne opreme i proizvoda dvojne namjene za 2007. godinu;
12. Prijedlog Vijeća ministara BiH za imenovanje člana Komisije za koncesije BiH;
13. Prijedlog-Inicijativa za regulisanje pravnog statusa Službenog lista BiH – predlagač delegat Dušanka Majkić;
14. Davanje saglasnosti za ratifikaciju Sporazuma o ekonomskoj saradnji između Vijeća ministara BiH i Vlade Slovačke Republike;
15. Davanje saglasnosti za ratifikaciju Sporazuma između Bosne i Hercegovine i Slovačke Republike o unapređenju i uzajamnoj zaštiti ulaganja;
16. Davanje saglasnosti za ratifikaciju Aneksa Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini;

17. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o provođenju mješovitih patrola uz zajedničku državnu granicu;
18. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o službenom tranzitu preko državnog područja druge ugovorne stranke s ciljem postupanja na vlastitom državnom području;
19. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o upućivanju službenika za vezu;
20. Davanje saglasnosti za ratifikaciju Protokola između Ministarstva sigurnosti BiH – Granične policije - i Ministarstva unutarnjih poslova Republike Hrvatske – Ravnateljstva policije - o osnivanju zajedničkih grupa za suzbijanje kriminaliteta;
21. Davanje saglasnosti za ratifikaciju Finalnih akata Regionalne konferencije za radioveze za planiranje digitalnog zemaljskog radiodifuznog servisa u dijelovima regiona 1 i 3, u frekvencijskom opsegu od 174 do 230 MHz (RRC 06) i od 470 do 862 MHz (RRC-06);
22. Davanje saglasnosti za ratifikaciju Konvencije o međunarodnoj trgovini ugroženim vrstama divljih životinja i biljaka (CITES);
23. Davanje saglasnosti za ratifikaciju Konvencije o zaštiti i promoviranju različitosti kulturnih izraza;
24. Davanje saglasnosti za ratifikaciju Dopune člana 1. Konvencije o zabrani ili ograničenju upotrebe određenih vrsta konvencionalnog oružja (CCW);
25. Davanje saglasnosti za ratifikaciju Memoranduma o razumijevanju između Ministarstva civilnih poslova BiH i Regionalnog ureda Svjetske zdravstvene organizacije za Evropu;
26. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i RAIFFEISEN ZENTRALBANK ÖSTERREICH AKTIENGESELLSCHAFT – *Razvoj sistema vodosnabdijevanja u općini Laktaši.*

#### **Ad. 1.**

Dom naroda je većinom glasova usvojio Zaključak delegata Doma naroda Parlamentarne skupštine BiH Ilije Filipovića, br:02-50-1-16-17/08, od 15.5.2008., koji glasi:

1. Dom naroda Parlamentarne skupštine BiH neupitno se zalaže za zakonito i stabilno poslovanje javnih emitera i snažno podržava istinito, cjelovito, nepristrasno, pravedno i pravovremeno informiranje javnosti o svim događanjima u Bosni i Hercegovini i ostvarivanje prava informiranja javnosti, ravnopravno na jezicima sva tri konstitutivna naroda u Bosni i Hercegovini, u duhu međunarodnih i evropskih propisa i standarda, kao i odredbi Ustava BiH.
2. Dom naroda Parlamentarne skupštine BiH smatra da je ovo pitanje bitan uslov ravnopravnosti naroda i građana Bosne i Hercegovine i da je to jedan od temelja opstojnosti, samoodrživosti i dugoročne stabilnosti zemlje.
3. Dom naroda Parlamentarne skupštine BiH obavezuje Vijeće ministara BiH da odmah pokrene postupak osnivanja novog RTV kanala na hrvatskom jeziku, unutar Javnog RTV sistema BiH, na osnovu odredbi člana 9. stav 2. Zakona o Javnom radiotelevizijskom sistemu BiH.
4. Zaključak objaviti u „Službenom glasniku BiH.“

**Ad. 2.**

Dom naroda većinom glasova je usvojio da se Prijedlog zakona o dopunama Zakona o izmirenju obaveza po osnovu računa stare devizne štednje razmatra po skraćenom postupku, u skladu s članom 121. Poslovnika Doma naroda.

**Ad. 3.**

Dom naroda jednoglasno je usvojio da se Prijedlog zakona o izmjeni Zakona o klasifikaciji djelatnosti u Bosni i Hercegovini razmatra po skraćenom postupku, u skladu s članom 121. Poslovnika Doma naroda

**Ad. 4.**

Dom naroda jednoglasno je usvojio Zakon o dopunama Zakona o upravnim sporovima u identičnom tekstu kao i Predstavnički domu

**Ad. 5.**

Dom naroda jednoglasno je usvojio Zakon o prestanku važenja Zakona o flaširanim pitkim vodama u identičnom tekstu kao i Predstavnički dom.

**Ad. 6.**

Dom naroda usvojio je Izvještaj nadležene komisije koja nije prihvatila principe predloženog zakona, pa je samim tim zakon pao.

**Ad. 7.**

Dom naroda većinom glasova nije usvojio u prvom čitanju Prijedlog zakona o dopuni Zakona o službenom glasilu Bosne i Hercegovine čiji je predlagač Predstavnički dom.

**Ad. 8.**

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o carinskoj politici BiH.

**Ad. 9.**

Dom naroda jednoglasno je primio k znanju Godišnji izvještaj Visokog sudskog i tužilačkog vijeća BiH za 2007. godinu.

**Ad. 10.**

Dom naroda jednoglasno je primio k znanju Izvještaj o radu za 2007. godinu i Plan poslovanja za 2008. godinu Javnog preduzeća NIO Službeni list BiH.

**Ad. 11.**

Dom naroda primio je k znanju Informaciju o izdatim dozvolama za promet oružja, vojne opreme i proizvoda dvojne namjene za 2007. godinu.

**Ad. 12.**

Dom naroda jednoglasno je imenovao Ivu Andrića za člana Komisije za koncesije BiH.

**Ad. 13.**

Dom naroda većinom glasova usvojio je Inicijativu za regulisanje pravnog statusa Službenog lista BiH;

**Ad. 14. – 26.**

Dom naroda jednoglasno je dao saglasnost za ratifikaciju sporazuma iz ovih tačaka dnevnog reda.

U prilogu obavještenja sa 21. sjednice Doma naroda dostavljamo vam tekst usvojene Inicijative sa zaključcima.

S poštovanjem,

**PREDSJEDAVAJUĆI**  
**DOMA NARODA**  
dr. Mladen Ivanić